

Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

Art. III. An lex humana obligare possit sub culpa mortali, & quid requiratur ad hoc ut sub mortali obliget?

[urn:nbn:de:hbz:466:1-77355](#)

in foro conscientiae, non legi humanae, sed soli legi aeternae tribui debet.

38. Sed nego Consequentiam, licet enim vis obligandi in foro conscientiae, a lege aeterna ut a causa universalis remota oriatur, a lege tamen humana ut a causa particulari provenit; unde sicut effectus tribuitur causa particulari, sua actione determinanti causam universalem; ita obligatio in conscientia tribuitur legi humana, quae ut causa particularis sua obligatione determinat legem aeternam ut causam universalem in obligando.

39. Quares primò, an omnes leges humanae obligent ad culpam?

Respondeo negativè, nam Constitutiones Ordinis nostri sunt veræ leges, cum quilibet illarum sit ordinatio rationis in ordine ad bonum commune Religionis, ab eo qui curam habet communis promulgata, quae est definitio legis; & tamen non obligant ad culpam, sed tantum ad poenam, ut in ipsorum prologo declaratur.

40. Quares secundò, quænam leges humanae obligent ad culpam, vel solum ad poenam?

Respondeo omnem legem iustam obligare ad culpam, nisi ipse Legislator contraria intentio expresserit, dicendo, non intendimus obligare ad culpam, sed solum ad poenam, ut factum fuit in nostris Constitutionibus. Cum enim obligatio legis in actu secundo tam ad culpam quam ad poenam, consequatur legem promulgatam, ad modum proprietatis, nisi voluntate Legislatoris impediatur, talisque voluntas declararet, leges humanae, si sint iusta, non solum ad poenam, sed etiam ad culpam obligare censentur. De quo fuisse disp. sequenti art. 1. Dixi, si sint iusta, quia ut docet S. Thomas huc art. 4. leges humanae iusta non obligant in foro conscientiae, nisi ad vitandum scandalum aut turbationem. Tripliciter vero (inquit) leges humanae possunt esse iusta, nempe vel ex fine, sicut cum aliquis praesidens leges imponit onerosas subditis, non peruenientes ad utilitatem communem, sed magis ad propriam uitatem, vel gloriam. Vel ex auctore, sicut cum aliquis legem feri ultra sibi commissam potestatem. Vel etiam ex forma, prout cum inqualiter onera multitudini dispensantur, etiam si ordinentur ad bonum commune. Quæ si ad particulares leges quis sciat applicare, inde (subdit Cajetanus) multos casus conscientiae in gabellis & gravaminibus & hujusmodi publicis clarificabit.

ARTICVLVS III.

An lex humana obligare possit sub culpa mortali, & quid requiratur ad hoc ut sub mortali obligetur?

Dico primò, leges humanas obligare posse ad culpam mortalem, non tamen necessariò ad eam obligare, sed ad solum veniale posse obstringere.

41. Prime pars hujus conclusionis probatur primò ex Apostolo ad Roman. 13. dicente eos qui superiorum potestati resistunt, damnationem sibi acquirere, quod de damnatione aeterna Chrysostomus & alij Interpretes ibidem intelligent: Sed damnatio aeterna non nisi ob peccatum mortale incurritur: Ergo lex humana sub culpa mortali obligare potest.

Confirmatur ex Augustino Epist. 50. ad Bonifacium, ubi sic ait: *Quicunque legibus Impera-*

A torum qua pro rei veritate feruntur, obtemperare non vult, acquirit grande supplicium, scilicet apud Deum, apud quem non nisi propter mortale, grande supplicium acquiritur.

Probatur secundò ratione: Sic ut alia obligations solvendi aliquid debitum, possunt esse graves, quando id quod debetur est grave, & ex jure integro exigitur ab eo cui debetur; sic obligatio per legem aut per mandatum constituta, potest esse gravis, quando id quod constitutum fuerit est grave, & vehementer, graviterque exigitur ab auctore legis vel mandati: Sed peccatum graviter qui contra gravem obligationem agit; Ergo obligatio per legem humanam imposita, potest esse sufficiens ad peccatum grave, & morte aeternâ dignum, subindeque ad peccatum mortale.

Quod vero ad solum veniale obligare possit, patet: lex enim prohibens verba otiosa, mendacia jocosa, risum immoderatum, & alia hujusmodi, quæ est quoddam rationis dictamen, solum obligat ad veniale: Ergo etiam inter leges humanas nonnullæ erunt, quæ solum obligant ad veniale. Unde in quibusdam Religionibus earum constitutiones ad nullam culpam mortalem aut veniale obligant; alia obligant solum ad peccatum veniale, alia vero ad mortale; quod non aliunde dependet, quam ex voluntate Fundatorum, qui tales constitutiones ediderunt: nam materia earum, saltem multarum, sufficiens est ad peccatum mortale, si ad illud Legislator volueret obligare.

C Dico secundò, ad hoc ut lex humana obliget sub mortali, requiri gravitatem materie, subindeque nullam legem humanam posse in materia levi sub mortali obligare.

Probatur primò: Sicut lex humana derivatur ex naturali, vel divina; ita obligatio ejus derivatur ab obligatione legis naturalis, vel divina: Sed Deus sua lege naturali, vel divina, nunquam imponit obligationem ad culpam mortalem, quando materia est levis, ut omnes fatentur: Ergo neque Legislator humanus obligat sub mortali, nisi materia sit gravis.

D Probatur secundò: Potestas humana est limitata & proportionata exigentia & naturali capacitate materia: Ergo non potest præcipere & obligare supra materię connaturalem capacitem vel exigentiam, nec per consequens ad gravem culpam, qualis est peccatum mortale, si materia sit levis.

E Probatur tertio: Si lex humana pro levi culpa poena mortis addiceret, haberetur pro iusta & nulla, quoad illam partem: Ergo multò magis erit iusta, si in materia levi imponat reatum poenæ aeternæ à Deo infligendæ.

Dices: Præceptum impositum primis parentibus erat circa levem materiam, unius scilicet pomi comestione, & tamen sub mortali peccato obligabat: Ergo similiter leges humanae poterunt sub mortali obligare, quamvis sint in materia levi.

R Respondeo negando Antecedens, cum enim hoc præceptum impositum fuerit, ut obedientia hominis ad Deum reluceret, Deusque gravi jure à primis parentibus exigeret ut de fructu ligni veriti non comedenter, in signum subjectionis & agnitionis tot beneficiorum Adamo collatorum, de materia gravi fuit, quamvis res præcepta alias levis fuerit. Addo quod, cum divinum jus sit sumenum & illimitatum, non debet obligatio ejus esse proportionata exigentia & naturali capacitatib[us] mate-

rit, sicut obligatio juris humani, quod finitum & limitatum est. Unde quamvis lex divina possit in levi materia graviter obligare, non tamen humana, sive Ecclesiastica sit, sive civilis.

Dico tertio, etiam intentionem legislatoris requiri, ut lex humana obliget ad culpā mortalem, suppositā materiæ gravitate; unde quamvis materia legis sit gravis, si tamen legislator non intendat obligare sub mortali, talis lex non obligabit sub mortali. Est contra Vazquem hic dis^p 1, 8, cap. 4, ubi afferit obligationem legis humanae ad mortale vel veniale, ex sola gravitate aut levitate materiæ, non vero ex intentione aut voluntate legislatoris dependere.

48. Probatur tamen nostra conclusio ex principio supra statutis, supra enim ostendimus, ex voluntate legislatoris pendere quod leges humanæ obligent ad culpam, vel solum ad poenam; ita ut si legislator declareret se nolle ad culpam obligare, ad illam lex ejus non obliget: Ergo multò magis ex eadem legislatoris voluntate penderet, & non solum ex gravitate materiæ, quod lex ejus obliget ad mortale vel ad veniale, si enim potest totam obligationem ad culpam impeditre, multò magis partem. Unde, ut supra dicebamus, in aliquibus Religionibus approbatis, constitutiones non obligant ad mortale, sed tantum ad veniale (quamvis interdum sint de rebus ad peccatum mortale sufficientibus, si rigide præcipentur, ut de sacro audiendo, de multis abstinentiis, & jejunii) quia nimis legislator expressè declaravit, non esse suæ intentionis obligare sub mortali, sed tantum sub veniali.

49. Confirmatur: Licet obligatio sit propria passio confecta ex lege promulgata, consequitur tamen illam impedibiliiter, ita ut per voluntatem legislatoris impeditri possit, ut in fine articuli præcedentis dicebamus: Ergo poterit legislator impidire obligationem in actu secundo ad mortale, quantumcumque ex natura rei deberet sequi ex sua lege, & relinquere illam cum sola obligatione ad poenam, ut factum est in nostris constitutionibus.

50. Dices primo, Obligatio voti sequitur ex voti emissione, sicut obligatio legis ex lege promulgata: Sed non est in potestate voventis tollere obligationem à voto, aut minuire illam taliter quod solum obliget sub veniali quod secundum se obligat sub mortali: Ergo similiter non est in potestate legislatoris, ut lex ejus que potest obligare sub mortali, obliget solum sub veniali.

Respondeo disparem esse rationem inter voventem, & legislatorem, nam votum est promissio Deo facta ut superiori & primo principio, ex qua Deus acquirit ius religiosum ut sibi reddatur quod voventur; unde vovent semper remanet Deo inferior, si quis obligatus promissione sua, juxta naturam talis promissionis; & sic ablatio, seu relaxatio voti, pendet ex sola voluntate Dei, in cuius potestate Prælati illud relaxant. At lex semper respicit inferiorem, quem legislator sua voluntate obligat, unde potest magis vel minus obligare, secundum quod ius suum quod habet ad illum obligandum, magis vel minus ipsi applicate vult; nam tale ius est in ipsis libera voluntate, ut eo moderatius utatur, si velit, neque imponat tantam obligationem quantam posse.

51. Dices secundo, superior non potest rem levem ita præcipere ut sub mortali obliget, ut præcedenti conclusione dicebamus: Ergo neque rem gravem sub veniali.

Tom. III.

A Sed nego consequiam, quia prior voluntas est ad imponendum gravamen ultra potestatem; posterior vero ad non imponendum totum gravamen quod potest; unde licet prior sit injuria subditus, posterior tamen ipsi favorabilis est, eorumque fragilitati accommodata.

Quæres unde cognosci possit gravitas materiæ sufficiens, ad hoc ut lex humana obliget sub mortali?

Respondeo ex triplici potissimum capite colligi posse gravitatem materiæ sufficientem ad gravem legis obligationem. In primis enim cognosci potest a posteriori, & tanquam à signo, ex gravitate verborum, quibus lex fertur, ut si dicatur, in virtute Spiritus sancti, & sanctæ obedientia, & sub precepto formalis, ut sit in nostro Ordine. Vel quando aliquid præcipitur aut prohibetur sub intermissione divini iudicij, aut Dei & sanctorum indignatione; non enim censendam est, hæc gravissima verba à prudenti legislatore apponi, nisi circa materiam gravem.

Secundò colligitur etiam à posteriori materiæ gravitas, à gravitate poenæ quæ transgressoribus imponitur; namcūm poena non ponatur nisi propter culpam, cui proportionari debet, poena gravis non nisi pro gravi culpa imponi potest, quæ non potest esse in materia levi. Hinc sit, quod quando in spiritualibus imponitur præceptum aut lex sub poena excommunicationis majoris, tunc materia legis aut præcepti gravis est, si legislator justè præcipit; quia poena excommunicationis majoris est inter Ecclesiasticas suprema. Quando vero aliquid præcipitur sub poena suspensionis, interdicti, irregularitatis, & privationis Ecclesiastice sepulturae, aliqui existimant ex hujusmodi penis non sumi certum indicium materiæ gravis, alij vero oportunit censem, & utrumque reputatur probabile. In temporalibus vero, quando aliquid præcipitur sub poena mortis, mutilationis alicujus membra, infamiae, exili, cruciatus acerbis, confiscationis bonorum, & similium, censetur materia gravis; levis autem, si poena sub qua aliquid præcipitur aut prohibetur levis sit.

Tertio colligitur gravitas materiæ legis à priori, ex necessitate illius in ordine ad finem, ad quem lex aut præceptum ordinatur. Unde quia ut dicitur I, ad Timoth., finis præcepti est charitas, illa censetur materia gravis, quæ ad dilectionem Dei vel proximi necessaria est. Item quia lex ad bonum commune ordinatur, illa erit materia gravis, quæ ad bonum commune Republice, vel communis necessaria est, licet secundum se levius videatur. Unde in Religionibus præceptum de non ingrediendo uno Monacho in cellam alterius, censetur esse de re gravi in ordine ad finem & bonum commune Religionis. Quæ omnia, quando non sunt de se manifesta, iudicio viri prudentis & sapientis committenda sunt, quo in rebus moralibus, nec potest certior regula tradi, nec specialius assignari.

Zzz ij

